ÞÓR – Mótaforrit Frjálsíþróttasambands Íslands.

Skráning keppenda.

Innskráning í kerfið

Til að skrá keppendur til keppni á frjálsíþróttamóti, þarf að vera búinn að fá Notendakenni og lykilorð. Ef þú ert ekki búinn að fá því úthlutað, þá getur þú sótt um það með því að smella á hnappinn "Sækja um aðgang" á Innskráningarsíðunni.

Á innskráningarsíðunni þarft þú að fylla út notendakennið þitt og lykilorð og smella á hnappinn "Innskráning".




Velja mótið

Í yfirlitinu yfir frjálsíþróttamótin þarf að smella hnappinn Velja í línu rétta mótsins.



Þá opnast yfirlit yfir keppnisgreinar mótsins og þá er best að smella á hlekkinn <u>Þínir keppendur</u>




Og þá kemur birtist svona mynd á skjánum:



Hér eru engin nöfn ennþá þar sem ekki er búið að skrá neina keppendur fyrir félagið sem notandinn tengist. Í þessu tilviki er það ÍR.

Til að skrá nýja keppendur, þarf að smella á hlekkinn <u>Skrá nýja keppendur</u>

Og þá kemur þessi mynd á skjáinn:




Þegar smellt er á hnappinn <u>Sýna keppendur til að velja</u> þá birtist yfirlit yfir keppendur félagsins sem kepptu í fyrra. Það er hægt að velja eldri tímabil og/eða takmarka listann við annað hvort kynið og einnig er hægt að velja keppendur á ákveðnum aldri.

Ef þú ert ábyrgur fyrir fleiri en einu félagi, þá þarft þú að velja félag í reitnum Veldu félag:


Þegar þú smellir á hnappinn <u>Sýna keppendur til að velja</u>, birtist yfirlit yfir alla virka keppendur í afrekaskrá FRÍ.

Listinn lítur svona út:



Þessi listi er í stafrófsröð, en það er hægt að raða honum eftir öðrum dálkum með því að smella á dálkaheitið.

Hér hef ég hakað við nokkra íþróttamenn í 16-17 ára aldursflokknum. Ég merki við nokkra í viðbót áður en ég smelli á hnappinn <u>Skrá valda keppendur</u> sem er neðst á skjánum.




Þegar smellt er á þennan hnapp, þá skráir kerfið íþróttamennina sem hakað var við, sem keppendur á frjálsíþróttamótinu.

Athugið, ef keppanda vantar á þennan lista, þá er sennilegt að hann sé ekki merktur réttu félagi í afrekaskránni. Það er verið að ganga frá annars konar leit í kerfið og einnig verður fljótlega opnað fyrir nýskráningu á íþróttamönnum sem ekki eru þegar í afrekaskrá FRÍ.

Skráning keppenda í greinar

Núna þarf að skrá keppendurna í greinar. Til þess þarf að smella á hnappinn Keppendur með skráningum og þá kemur svona mynd á skjáinn:




Hér er búið að flokka keppendurna þína eftir kyni og aldri og fyrir ofan hvern aldursflokk eru keppnisgreinarnar sem eru í boði á þessu móti fyrir aldursflokkinn.

Til að skrá keppendurna í greinarnar, þarf að haka í dálk greinarinnar hjá hverjum keppanda fyrir sig. Þannig að ef ég vil skrá Bjarka Frey í 200m hlaup, 400m hlaup og langstökk þá þarf ég að setja hak í dálkana fyrir þessar greinar í línunni hans. Svona lítur hún út eftir að ég hef fyllt hana út:



Svona þarf að gera fyrir hvern keppanda og að lokum þarf að smella á hnappinn Vista, en þá eru keppendurnir skráðir í greinarnar.




Kerfið reiknar út fjölda keppenda og fjölda skráninga og ef það er búið að setja upp skráningargjald pr. grein, þá koma samtalstölur fram á þessari síðu.

Þegar skráningu á keppendunum er lokið, skal smella á hnappinn Til baka.

Pá birtist myndin með keppendunum þínum. Hér sést í hve margar greinar hver keppandi er skráður.

Til að sjá í hvaða greinar keppandi er skráður, skal smella á Skrá í greinar. Þá sést í hvaða greinar keppandinn er þegar skráður í og ef það þarf að bæta honum inn í nýja grein, á er hægt að gera það hér.




Ef keppandi sem búið er að skrá í mótið kemst ekki, er hægt að eyða honum úr mótinu með því að smella á hnappinn Eyða. Það verður að vera búið að afskrá hann úr öllum greinum áður en þetta er hægt.

Til að sjá hverjir eru skráðir í hverja grein fyrir sig, er hægt að fara til baka í listann yfir keppnisgreinar mótsins með því að smella á Keppnisgreinar.



Í þessari skjámynd er hægt að raða línunum í röð eftir hvað dálki sem er, en það er gert með því að smella á heiti dálksins í hauslínunni. Ég raðaði keppenisgreinunum í öfuga röð eftir fjölda skráninga þannig að keppnisgreinarnar með flestum keppendunum er efst.

Þegar ég smelli á Keppendur t.d. í 60m hlaupi pilta 16-17 ára, þá opnast n.k. ritarablað sem lítur svona út:



Hér sést að þeir keppendur sem ég skráði áðan eru komnir í greinina og kerfið er búið að finna ársbesta og persónuleg met hjá þeim sem eiga árangur í greininni.

Hér sést einnig að það á eftir að raða keppendunum í brautir og á riðla, en það verður gert eftir að skráningarfresti mótsins lýkur.